

كلمة الأستاذ فارس ملكي في كنيسة القديس يوحنا المعمدان - بيت شباب،
«الطوباوي ليونار عويس ملكي: سيرة حياة واستشهاد»،
الإثنين ١٠ حزيران ٢٠٢٤

مقدمة

ليونار عويس ملكي هو راهب كتوشي من بعبدات. ولد سنة ١٨٨١. بيو حبيب عويس ملكي من بعبدات، وإمو نورا بو موسي يمينا من بيت شباب. كان إسمو يوسف، وعيلتو مؤلفة من ١١ ولد، ٦ صبيان وخمس بنات. بهيديك الإيتام كانت بعبدات كلاً موارد، وليونار تعمّد بالكنيسة المارونية. وبعد كم سني صار في مشاكل بعبدات بين الأهالي، وقسم من ترك الكنيسة المارونية، وانتقل عالكنيسة اللاتينية، وإجو الكتوشي ت يهتمو فين. أهلو لليونار كانو بين اللي صارو لاتين، منشين هيك ليونار نال سرّ الثبوت بالكنيسة اللاتينية. وبعدين لّما صار راهب كتوشي، وعينو بإرسالية تركيا، مطرح ما في لا موارد ولا لاتين، كانت خدمتو بين السريان والأرمن والكلدان. كان لكلّ الناس، ويصلح أنو يكون شفيع الحركة المسكونية بالشرق. لما فات عالرهينة كان عمرو ١٤ سنة. بعنو عالكليريكية بتركيا مطرح ما يعملو تنشئة للمرسلين، راح مع بعض الشباب البعبداتي اللي من عمرو، ومن رفيقو الطوباوي توما صالح. تابع الدراسة لمدة ١٢ سنة، ورُسم كاهن ب ٤ كانون الأول ١٩٠٤، وتخرّج بنيسان ١٩٠٦ مع شهادة مُرسل بابوي.

ليونار الرسول

أول ميزة لليونار هي أنو كان رسول، يعني حامل رسالة، هي كلمة الرب يسوع وإنجيلو ووصايا وتعليمو، هي ذاتو الميّت عالصليب والقائم من بين الأموات، لازم يوصل لكلّ الناس، بالأقوال والأفعال. كلّ واحد متا في يكون رسول بيئتو بعيلتو بشغلو برعيتو، لكن ليونار أخذ الرسالة لأقصى الحدود. ترك كلّ شي، عيلتو وأصحابو وضيعتو بعبدات وعاداتو وعواطفو بعمر المراهقة... وراح لمطرح ما بيعرف عتوشي، لا سكانو ولا عاداتو ولا حتّى لغتن، مدفوع بغيرتو الرسولية لإعلان الرب يسوع والبشارة الحلوي. طبّق المثل اللي بيقول: يا إمّي زّيني ويا عدرا استلقيني. تعين ليونار بإرسالية أرمينيا وبلاد ما بين النهرين، بتركيا الحالية، يللي كانت تضمّ ٦ مراكز بأورفا وماردين وديار بكر ومعمورة العزيز وخربوط وملاطية، كان عندن فيا الكتوشي ديورا ومدارس.

– ليونار بلّش خدمتو بمدينة ماردين. وكانت هيتي عليّ نسبياً لأنو بماردين بيحكو عربي. بقول بإحدى رسايلو:

«لّما وصلت لمركز الرئاسة العامة بمدينة أورفا، أمرني الأب المفوض الرسولي أنو ضلني هون وأنظر أمر تعيني. وبعد شهر تقريباً، أمرت بالتوجه لماردين. حنيت راسي وشكرت الرب». من الأول منشوف عند ليونار شخصية قنوعة ومُطبعة.

– بماردين استلم إدارة مدرسة الكتوشيين. كان عليّ يهتم بالبرامج والأساتذة والتلاميذ وأهلن. وكمان كان هو يعلم ت يوقر أجرة أساتذة. علم اللغة الفرنسية والموسيقى. الشغل بالمدرسة كثير والهموم كبيرة.

– وكان عندو كمان الإرشاد.

* وين ما بكونو الكتبوشي كانوا دائماً يأسسو رهينة مار فرنسيس التالتي للعلمانيين. ليونار كان مرشدن، يحضر اجتماعاتن وصلواتن ويعطين موضوع كل شهر. الإخوة بالرهينة التالتي حبو كثير، وضلن أمينين لإلو وليللي علّمن يا. وصل عددن لأكثر من ٤٠٠ عضو. لَمَّا العسكر التركي داهم دير ليونار، شاف بالكنيسة ورقة معلقة ليونار عالباب، وفيا أسامي رهينة مار فرنسيس. قالولو: فرنسيس آه... يعني فرنسا... إنت عم تجمع شباب مع فرنسا ضدنا. وكانت حجة ت يجزّو عالخبس.

ولَمَّا أخذو بالقافلة، مع غيرو من المسيحيين ت يقتلون، كان هو ماشي ع راس القافلة، وواحد من الرهينة التالتي ع شمالو، وواحد تاني ع يمينو. وتلاتن مربطين جرين مع بعضن البعض. كان في واحد من الرهينة التالتي إسمو الياس كسو. لَمَّا شاف العسكر التركي بلّش يصفّي رفاقو، خاف كثير وصار يرجف ويكي. لَمَّا وصل دُورو، دَفَشو العسكري التركي بقوَي وقلّو: يا حمار، نُكر مسيحك وعمل مسلم، لا وإلّا رح تموت متلك مثل رفاقك. وبهاللحظة، إجا قوَي غريبة عجيبة، وقلّو للعسكري: بحياتي كلاً ما بنكر يسوع وبصير مسلم. ساعتنا قلّو العسكري: ما زال هيك، خد ع ما يسّر بخاطرك. تجمعو حولو العسكر، وبلّشو يضربو ويلبطو، ووصلو ت يقطعولو صابيعو واحد ورا التاني، وهتي عم يضحكو، وهويّ يقول ورا كلّ ضربة: كرمالك يا يسوع. وهيك فارق الياس كاسو الحياة الأرضية الفانية، وانتقل ع الحياة السماوية الأبدية، متلو مثل معلّمو ليونار.

* وكان مرشد كمان لـ «جوقة الشرف للقلب الأقدس» وهي أخوية بكرّس أعضاء ساعة كلّ يوم، بالمداورة، بيصلّوا فيا لقلب يسوع.

* وكان مرشد لأخوية الدم الزكي أو دم الرب يسوع الثمين. كانت منتشرة بهيديك الإيثار. ولَمَّا عرفو العسكر التركي هيك قالولو: آه في قصّة دم، إنت بدك تهدر دم المسلمين، حجة إضافية ت يعذبو أكثر وأكثر. * وكان إرشاد الراهبات. مطرح ما كانوا الكتبوشي يفتحو مدرسة للصبيان، كانوا يجيبو الراهبات الفرنسيسكانيات يفتحو مدرسة للبنات. والراهبات بحاجة لكاهن يقدسلن ويعرّفن ويساعدن.

– وفوق كلّ شي كان عندو الخدمة المقدّسة، يعني إقامة الذبيحة الإلهية، وخدمة الأسرار، وخصوصاً سرّ الاعتراف. بقول بإحدى رسايلو: «بقضي ساعات طويلة بكرسي الاعتراف، أيام الآحاد والأعياد. خدمتنا موجّهة للكاثوليك الشرقيين، من أرمن وسريان وكلدان، يللي بيحجّو كنيسةنا بأعداد كبيرة، وهني مبسوطين».

إذا رسالة ليونار كانت التعليم، والإرشاد، والخدمة المقدّسة، يقوم فين كلن بكلّ طيبة خاطر وتضحية، ولا مرّة تدمّر من كثرة الشغل، من وقت يللي تعين بتركيا سنة ١٩٠٦ لوقت ما بلّشت الحرب العالمية الأولى سنة ١٩١٤.

ليونار الشهيد

تاني ميزة لليونار هي الاستشهاد. كان شاهد للرب يسوع، وأمين ع تعليمو وتعليم كنيستو. كلّ واحد منّا في يكون شاهد بمحيطو، بعيلتو، بشغلو، برعيتو، لكن ليونار أخذ الشهادة لأقصى الحدود، حتّى الاستشهاد، وكسر جسده وسفك دمّو ت يضل أمين. ما لكّ وما خضع للإغراءات. بأواخر شهر تموز، سنة ١٩١٤، كان ليونار مستضيف بديرو المطران الأرمني مالويان، والمطران السرياني

تبوني، مع الكهنة تبعولن، لرياضة روحية قام فيها الأب أندريه جوستينياني اليسوعي. بالكاد خلصت الرياضة حتى طلع خبر إعلان النمسا الحرب، وكانت بداية الحرب العالمية الأولى يللي رح تضل ٤ سنين، ويتواجه فيها ألمانيا والنمسا والسلطنة العثمانية من ميل، ضد فرنسا وإنكلترا وروسيا من الميل الثاني. ليونار انشغل ففكر وكثير، وما عاد عارف شو بدو يعمل. هل رح يقدر يفتح المدرسي؟ شو مصير الأساتذة والتلاميذ؟ شو بدو يعمل بالراهبات اللي هو مسؤول عنن، وبمدرسة البنات؟ كيف بدو يكمل حياتو بالدير بعد ما فلو الرهبان الفرنسيين يتلقوا بالخدمة العسكرية الإجبارية، وبقي بالدير لوحده مع أبونا دانيال التلياني الكبير بالعمر؟

بلشت أخبار الحرب توصل، وصار المستقبل غير مضمون، والخوف ع حياة ليونار موجود. بتوصل رسالة من رئيس الإرسالية لكل مراكز الكيتوشيبي بيطلب من الإخلاء فوراً، والتجمع بديار بكر، عاصمة الولاية. برد ليونار ع الرسالة ويقول: «أكيد أنا رايح لأتو متي حابب أبداً موت ع إيدين هالوحوش». ليونار حابب الحياة، مثل كل شخص طبيعي، بعدو شب، عمرو ٣٤ سنة. لكن صار معوشي غير لو تفكيرو وقرارو. مشروع الرب لالو ما كان مثل ما هو بدو.

هو عم يغادر الدير بقلو أبونا دانيال: شو رح تتركوني لوحدي! هالكلمة هي، ومنظر أبونا دانيال المحبط، وسؤالو المخرج، برمو براس ليونار، وبلحظات صار يتذكر فضل أبونا دانيال، وإنجازاتو برسالة ماردين، والمحبة الأخوية المطلوبة بين الرهبان، وكلام الرب يسوع: ما في حب أعظم من أنو يضحي الإنسان بذاتو كرمال أحبائو... وعلى الأثر، غير رأيو، وقرر أنو يضل بالدير، وهو عارف أنو مستقبلو غير مضمون، وحياتو بخطر. وضل هالوضع حتى آخر السنة، لما داهم العسكر التركي ديرو ودير الراهبات، وشحطن كلن لبراً، وصادر الديرين وحوّلن لمركز لالو، ونهب كل موجوداتن. أول شي عملو ليونار هو أنو ركض عالكنيسة، فتح بيت القربان، ونقل كل الموجودات ع بيت أحد المؤمنين القريب. ثاني نهار نقلن ع كنيسة السريان. وصار كل ليالي نيام مطرح، ومزات نيام بزاً عالطريق أو تحت شي شجرة، ومزات يساقب العسكري حارس الدير آدمي، يسمحو يرجع نيام بالدير، بس مش بقوضتو... بيت المونة.

مرقت الشهور وليونار ع هالوضع حتى بداية شهر حزيران ١٩١٥. بهالوقت وصل ع ماردين فرقة خاصة، بقيادة ممدوح بك، لتنفيذ أوامر التهجير والقتل الصادرة عن طلعت باشا، وعن رشيد بك والي ديار بكر، بعد ما رفض متصرف ماردين، حلمي بك، تنفيذ الأوامر. كان حلمي بك رجال آدمي، وما طلع بإيدو يقتل المسيحيين من دون سبب. هددو الوالي وقلو إذا ما بتنفذ الأوامر بشيلك من مركزك. قللو ما بدّي نفذ. قللو إذا هيك، حضّر غراضك وبكرا قبل الضو بتروح عالموصل. وبعث الوالي أحد الأشخاص يتقلو عالطريق. شئت العناية الإلهية أنو هالشخص صديقو لحلمي بك. بعثو خبرت يهرب بسرعة. وهيك خلص.

ت نرجع لهاالفرقة الخاصة اللي إجت ع ماردين، ورئيسا ممدوح بك يللي رح يقود مع زمرتو كل الحملات ضد المسيحي، يلقطن ويعذبون ويقودن لبرّات المدينة بالغابات والصحاري ويقتلن هونيك. في وصف لهاالشخص، بيعطي الأب ياسنت سيمون الدومينيكي، اللي كان موجود بماردين، وكان يشوف ممدوح ويسمع عنو، بقول:

«كانت الناس ترجف بمجرّد تسمع إسمو. نظراتو بتلعي النفس، وكانت كل السلطات بإيدو. كان يمشي ويتمختر قد ما شايف حالو، ولما يحكي، دغري بينكشف قديش هو جاهل. إيدو اليمين سفكت الدم، وإيدو الشمال جمعت المجوهرات. راسو راس كلب بولدوغ مزروع على كتاف عتال.

راسو رح يحمل الرعب للناس، وكتافو رح تحمل الأماز المنهوب. باختصار، هوي نيرون بذاتو،
بيشبه سلفو كثير: شكلو متلو، وقلبو القاسي متلو، ومجنون متلو. جلاد ماردين هيدا... إسمو ممدوح
بك.»

ببّش ممدوح يلقط كلّ هالشخصيات المسيحيي الكبيرى. ماردىن. ببّش بالمطران الأرمنى مالويان، والخوارنة
تبعولو، وبكمل بخوارنة السريان، وأبونا ليونار، ورؤسا العيل الكبيرى مثل بيت جينانجى، وآدم، وكسبو،
وبوغوص، وجرباقه، وحمال، ودقماق، وشوحا، وكاراغولا، ومعمارباشى، وغيرن.

ليونار أخذو السبت ٥ حزيران، ولّمّا وصل عباب الحبس، بيلقظو السجّان وببّش يضربو ع راسو ويلبطو
ويتمسخر على. وأكيد ما تردد أنو ينتفلو لحيّو متلو مثل كلّ الخوارنة الباقيين. زتو بالحبس، وقضى في ٧ أيام
مع مجموعة كبيرى من مسيحية ماردىن، محشورين بزنازة ضيقة، ينامو فيا هتّى وواقفين. وصارو كلّ يوم
ياخدو ع غرفة التحقيق، وممدوح يهدلو، ويقلّو كلام ما ييليق بمقامو، ويضربو ويعذبو، ويسألو نفس السؤال:
وين خبيت السلاح بالدير؟ وطبعًا ليونار ما عندو سلاح بالدير. وكان صرلو أكثر من ست أشهر شاحطينو
برات الدير، والعسكر التركي في طالع نازل وبيعرف كلّ شي.

مرّة يربطولو إيدي وإجري ويدكربو عالدرج، يوصل كلّ جسمو مكسّر. ومرة يقلعولو ضفير إيدي. وتانى
نهار يقلعولو ضفير إجري. وتالت نهار يعملولو فلق. وفي نهار يضربو بالكرباج، ضربات كثيرة. وفي مرّة
علّقو بإجري ساعتين، وراسو لتحت، حسّ أنو رح ينفجر راسو. لمّا فكو وقع عالارض مغمي على. كتبو على
سطل مي مصقعة ت يوعا، وحملو عالحبس.

كانت ٧ أيام ما شاف النوم فيا قد ما تعذب. لكن كانت إيامو وليالي كلاً صلا، هوي ويللي معو بالحبس اللي
تحول لكنيسة. المسبحة ما كانت تتوقف، والماردىني معروفين بحبن لمريم العدرا. وبالرغم من عذاباتو
وعذابات المؤمنى اللي معو، كانو يعترفو عندو بخطاياهن، تمّ المؤمن بدينة الخورى، والحلّة يعطيا الخورى
بإشارة من جيننو، لأنو ما كان يقدر يرفع إيديو.

ليلة الخميس كان آخر نهار إلو بالحبس. إجا ٢٥ شيخ مسلم، برمّو ع كلّ المسيحيي المحبوسين يحرضون أنو
يجحدو إيمانن المسيحي ويشهرو إسلامن. ولا واحد قبل. قالولن اختارو: أو الإسلام أو الموت. جاوبون كلن:
الموت. وبلّشو يتحضرو لتانى يوم، بعد ما عرفو أنو راح يظهرون من الحبس، وياخدون ع ديار بكر
للمحاكمة. بس هتّى كانو عارفين أنو هي كذبة، والحقيقة أنو بدّن يقتلون برّات المدينة.

وتانى نهار الجمعة، قبل الضو، ربطون تين تين أو ثلاثي ثلاثي وأخدون بقافلة برّات المدينة، وكان عددن أكثر
من ٤٠٠ شخص، من أرمن وسريان وكلدان وإنجيليين، ماشين تعبانين، وبالكد يقدرو يحكو، ومع هادا وكلّو
كانو عم يتممو ترتيلة بونا يعقوب «ننال ننال جزانا في السما» علّمن يهاها أبونا ليونار. كان ليونار ع راس
القافلة، والمطران الأرمنى مالويان بأخر القافلة. ولّمّا بعدو منيح عن المدينة، وقّف ممدوح بك القافلة، وبلّش
يقرا علين فرمان مزعوم بقول في أنو الحكومة غمرتكن بإنعاماتا، ومع هيدا وكلّو طلعتو خونة، وصدر حكم
الموت بحقكن. يللي بيشهر إسلامو بيرجع فورًا سالم ع ماردىن، لا وإلاّ الموت ناطركن. حضرو حالكن.
معكن مش أكثر من ساعة تناخدو قراركن.

ساعتا انتفض المطران وقلو لممدوح: نحنا ما بحياتنا كنا خونة للسلطنة العثمانية، ولا رح نكون خونة لإيماننا

المسيحي، مستعدين نموت كرمال يسوع المسيح. وكزرو كلن: نموت كرمال يسوع المسيح.

ساعتا شال المطران من جييتو شقفة خبز، كسر وبارك وعطاها للكهنة يوزعوا عالمؤمنين. بهالوقت بتجي غيمة وبتحجب هالمنظر المقدس عن عيون العسكر التركي. وبعد ما خلصو قلو المطران لممدوح: عمل يللي بدك تعملو. وفلت ممدوح زمرتو، وصارو يقتلو فين يمين شمال. كانت وجوه المسيحي منورة، والبسمة ع شفافن، والسلام بقلبن. أبونا ليونار طعنو بخنجر بقلبو. وكان هالنهار عيد قلب يسوع الأقدس.

لما رجع العسكر ع ماردين صار يخبر ويقول: نحنا بحياتنا ما شفنا ناس عندنا هالايمن القوي. لو نحنا صار فينا هيك، وإجو المسيحي لقطونا، وقالولنا أو بتصيرو مسيحي أو الموت، كتا كلنا صرنا مسيحي.

وبعد ما خلصو من ليونار كمشو رفيقو أبونا دانيال الختار، وزتو بالحيس. فرض علي ممدوح يدفع ٢٣ ليرة ليفلتو. جبلو ياهن وعطا ياهن ولما إجات يفل قلو ممدوح بعد عليك تدفع ١٥٠ ليرة. قلو لشو؟ قلو ممدوح هيدي حلوي فينا إنا يللي قتلنيلك رفيقك ليونار وصار شهيد! واضطر أبونا دانيال يدفع ١٥٠ ليرة ثمن الدم الزكي.

قافلة ليونار كانت الأولى. بعد منا صار في قوافل كثير تطلع من ماردين ومن البلدات المسيحي، فيا رجال ونسوان وأطفال وإكليريكيين. قوافل الموت... بس بالحقيقة قوافل الحياة الأبدية.

بآخر الحرب هرب ممدوح واختفى، وما حدا عرف عتو شي. معلمو، الوالي رشيد بك، انتحر.

الخلاصة

يللي عملتو الحكومة التركية وجماعة الاتحاد والترقي بالمسيحي لا يوصف. الأب جاك ريتوريه الدومينيكي، يللي كان شاهد بماردين بقول:

أمرت الحكومة المنحرفة بإبادة المسيحيين، ونفذت ذلك بوحشية لم تشهدتها البشرية من قبل، حتى ولا أتيليا الذي لقب سوط الله لا يبدو إلا حملاً بالمقارنة مع ما صنعه الأتراك عامي ١٩١٥ و ١٩١٦، وتيمورلنك ذاته يخجل ويتنصل من أن ينتمي إلى هذا الجنس من القتل المحترفين الجبناء الأندال.

نعم، هيدا اللي صار... وليس صار هيك؟ السبب الحقيقي عبر عتو القس إسحق أرملة السرياني، يللي كمان كان شاهد بماردين ويقول:

إن تركيا ما أنزلت بنا المظالم، وما ارتكبت الجرائم، إلا لأننا نصارى مسيحيون، لا ذنب لنا قطعاً وأصلاً. فلأجل الدين المسيحي المحبوب غدبنا، ولأجله ذبحنا، ولأجله استيق رجالنا ونساؤنا، ولأجله متنا أشنع الموتات.

تذكر وما تنعاد...